



E FECHA DI 17 di December di 1940 y e Sociedad Bolivariana di Aruba...cu entusiasmo cu e gran fecha tabata reclama, e Sociedad Bolivariana di Aruba a conmemora e di 110 aniversario di e deceso di e Libertador, hibando na efecto un acto significativo y apropia cu e revista e caracternan di un discreto y sentido apoteosis, revelador di e impulso cu cda dia, tabata tumando consenshi humano e valor cu esaki tabata representa pa America e obra cu el a realiza--pa loke ta pa realiza e mas grandi americano di tur e temponan. E ceremonia tabatin su efecto pa 8:30 di anochi den e edificio cu e Consulado di Venezuela tabata ocupa, e digno representante di e nacion ey, e Dr. Manuel de J. Chuecos, cu e asistencia di un numero grandi di socionan, y di e distinguida, virtuosa y aristocratica señorita, Anisia Chuecos, esun cu a contribui na duna mayor realce na e acto, k participando den un di e numeronan mas importante di e programa. E acto a cuminsa dor di Sr. S.N. Ecury (Dundun), presidente di e Sociedad, lesando un discurso bon inspira, den cual e a gradici tur e asistentenan pa nan presencia, pa despues exalta e figura di e ilustre desaparecido, splicando e necesidad cu ta existi di sigui elabora pa e realizacion di e idealnan cu a concibi e Gran Homber. Na termina su discurso, cu a ser scucha cu muestra di general complacencia - Sr. Ecury, amablemente a invita señorita Chuecos pa cu e cumpli cu e merecido distincion di loke tabata e objeto, esun di revela dilanti di tur presente un bunita Busto di El Libertador, obra artistico di brons, traha den e winkelnan gubernamental di Puerto Cabello, un donacion di e Sociedad Bolivariana di Caracas pa esun di Aruba. Una vez conclui e ceremonia honroso aki, a cuminsa na turno e orador di orden, Dr. Homero Parillo, kende a improvisa un oracion, breve pero cu a ser sinti y cu a ser scucha cu atencion. Despues a sigui haci uso di palabra e Dr. Manuel de J. Chuecos y a splica. | E obranan y doctrinanan di Bolívar no ta informa un ideal contemplativo o abstracto, sin un moveshon basico y dinamico cu a evolucionar na e union di e nacionnan americanos den tur su aspectonan, teniendo pa divisa e "Libertad". Tal tabata e homenaje tributa na e ilustre Libertador Simón Bolívar dor di e Sociedad Bolivariana di Aruba, durante e añanan di antaño, y e clausura tabata na encargo di e presidente señor Ecury, riba e fecha di December 19 di añ 1940 na Aruba. Den e añanan Sociedad Bolivariana a cuminsa ricibi mas miembro; tabatin mas actividadnan social den su edificio unda por a ser aprecia

cuadronan di e distinguido figuranan cu tabata na banda di El Libertador Simón Bolívar. Den un di esakinan tambe tabatin un fiesta anima pa El

Negrillo del Batey, Alberto Beltrán. Pero tambe a bira notable cu esaki a bai atras, den un di e factornan bon conoci, esta di no percura pa mantencion. Tur diadomingo atardi un grupo di personas ta yega hunto den un partido of mas di domino pa entretene nan mes. Tempo a pasa pero nos pais vecino bao di e presidencia di Lusinchi a bishita Aruba pa inaugurar edificio restaura dor di ayudo financiero di e gobierno venezolano, y asina un biaha mas Sociedad Bolivariana di Aruba abira e sede di espectaculonan y presentacionnan riba Aruba.